

Letter 115: 18 October 1521, [Halle], Albert of Brandenburg to Lorenzo Pucci

The manuscript, a draft in Capito's hand, is in the Strasbourg city archive (AST 40, 35b). The text is printed in Herrmann, pp. 219-220. The draft is dated 18 October, but as in the case of Ep. 110, the reverse of the page is marked "23 October".

5 Reverendissime etc. est Constantiae peritus et magni nominis doctor canonum, Iohannes Faber, vir bonae fidei, catholici iudicii studiique christiani; nam auctoritatem sanctissimi domini nostri et universalis ecclesiae omnibus, quod aiunt, nervis asserit, quemadmodum videre est ex eo libro, quem in illam sententiam conscripsit. Is nunc, ut ex Capitone accepi, lites timet super praebenda ecclesiae Constantiensis, quam est adeptus ex clementia sanctissimi domini nostri. Idcirco quia talibus viris officii rationem habens libenter incommodo, supplico, vestra paternitas reverendissima illius causa patrocinium suscipiat efficiatque probe, ne quid detrimenti sumat. Enimvero vehementer plausibile et gratum erit, videre eiusmodi adiutos, qui bene volunt, ut contra odiosos reddit neglectus bonorum, sicut ferme vulgo ad suum compendium respiciunt et sicut animi plerumque redimuntur illustri liberalitate beneficentiaque; quisque enim redamat amantem beneque bonis facientem. Praebeat se illi paternitas vestra reverendissima vel intuitu harum precum, quemadmodum erga devotos istius sedis solita est, et collati beneficii, nisi fallor, nunquam poenitebit. Valeat dominatio vestra reverendissima, cui me diligentissime commendo.

10 Datum 18 Octobris.